



Պարույր Սևակ

Տակնաշ կրկնակոշիկ

Ելման ջրերն իրենց փրփուր-սապնաջրով
Աշխատում են մի կերպ մաքրել ու լվանալ
Քարաքոստ-չեչոտ ժայռերն իրենց ափի.

Սակայն...

(Սևին ի՞նչ կարող է սապոնն անել)...

Նո՛ւյնն են մնում,

Էլի՛ նույնը.

Չի՛ փոփոխվում նրանց գույնը:

...Էլի՛ նույնը... Էլի՛ նույնը...

Հսկայական կապույտ աչքի դեղին բիբը,

Որ հայտնի է Արև անվամբ,

Հողի խորքերն է ներխուժում

Եվ հասնելով

Հավերժական սատածության անատ շերտին՝

Ընկրկում է ջղայնացած

Ու նահանջի ճանապարհին

Մինչև անգամ թուփ ու ծառին

Վարակում է ծաղիկ կոշված հիվանդությամբ.

Բողբոջներից ծաղկատար են դառնում նրանք:

...Ծաղկատար են դառնում արդյոք միայն նրա՞նք...

Ես՝ ակամա-անմեղ վկաս այս ամենի,

Մի կարևոր՝ ինձ թարգմանող խոսք են փնտրում:
Բայց խոսքերը կարծես լինեն
Վաղուց մաշված կրկնակոշիկ.
Սայթաքում են անվերջ նրանք
Եվ ինձ անվերջ գետնով տալիս:
...Անվերջ... գետնո՛վ, գետնո՛վ տալիս...
Միշտ ընկնելուց ու ելնելուց
Տնքսնքում են իմ կողերը,
Իմ ողերը
Եվ իմ լեզուն,
Ցավում այնպե՛ս,
Որ պարզապես լացս է գալիս:
Եվ լալու պես թնգթնգում են մի խոսք մաշված,
Նույնիսկ տակմաշ կրկնակոշիկից շատ ավելի
Մաշված մի խոսք,
Որ լսողին, քեզնից բացի,
Պիտի թվա ծիծաղելի:
...Ծիծաղելի՛... ծիծաղելի՛...
Ես լալու պես թնգթնգում եմ.
«Միրում են քեզ»...
Ու կրկնում են երե՛ք անգամ
Եվ չո՛րս անգամ.
Թո՛ղ ծիծաղեն երե՛ք ձայնով
Ու չո՛րս ձայնով...
Թող ծիծաղե՛ն,
Թող ծիծաղե՛ն,
Որ... կտրվի թնգթնգո՛ցրս,
Լա՛ցրս չգա... լացը՛ս չգա...

22.III.1964թ.

Դիլիջան